

朱
谷
詩
集

未谷詩集卷第三

行笈草

白桃花

脈脈無言對晚春
繁華銷盡悟前因
水晶簾卷黃昏院
玉燕歸來不見人

畫秋葵

霜老葉稀寧衛足
露乾花放正朝陽
窗前學傳驚兒粉
偷得澄宵月影黃

臂痛

老來辛苦幾曾寬
握管長年奉上官
右臂千鈞誰辨得

露雞一牛受風寒

右手還憑左手持依然磨墨去臨池旁觀真箇沒交涉
浪說英雄刮骨奇

董思翁摹鵲華秋色

鵲華山色正當樓可似王孫畫裏不剩有香光留粉本
幾行疎樹不禁秋

摹本傳來二百年圖中老樹老於前兩山冷翠還依舊
祇在寒鴉夕照邊

不寐

夜半披衣起燒燈覓紙書有懷書不盡仍付酒驅除

滅燭

滅燭開門負手行
仰看星斗正交橫
不知天上神仙宅
也有愁人到五更

別潭西精舍

夢裏難拋潭上屋
眼前又作路旁人
秋風不肯留行客
先到燕南易水濱

答餞別諸友

處處離筵似轉蓬
衰顏暫借酒顏紅
可憐老女還求嫁
羞對門前五柳風

贈別虛谷

時寓濟南

一行作吏早歸田金石遺文出鄭箋來往鵲華秋色裏
逢人但乞打碑錢

別秋藥

藥闌水檻晝沉沉講舍蕭然一徑深最喜新詩初改罷
一尊招我並肩吟

遣懷

開徧低棚扁豆花隨人去住總天涯秋風已老猶題扇
布被新涼頓憶家病後壺觴成故友夢中草木長春芽
臨窗破悶披書裘不爲生徒坐絳紗

羅兩峯鬼趣圖

但使鬼有趣何妨人寡歡夜臺長似畫世界小於盤此
樂真忘死逢場作是觀誰能窮伎倆權當鬼工看

陳肖生坐上分韻

畫是野人作詩教秋士題氣寒黃菊後霜到夕陽西籬
短山偏近門虛客未齊尙餘白衣酒隨意引瓢盃

十月九日趙味辛招續重陽分得塵字

已過登高約重游迹未陳寒花驚老眼嘉酒屬通人畫
好無妨賸詩狂却厭新自憐身世晚文字逐風塵

葉雲素同年以家釀見遺對月獨酌卽簡雲素

竟肯傾家釀嘗惟次道先偏宜歸月下

謝舉偶云酒歸月下風清琴上

一笑出簾前柳嫩春鶯早荷香曉露鮮大難加品目色
味並堪憐

澄泥研詩

有引

海門漁人網得五色澄泥可爲硯予過泰興見
綠如豆碧如蝦背黃如鰓腹者土人言上品赤
於丹砂紫於玫瑰不易可得仁和張君筱簪造
餅硯色似荔壳試墨良嘉張君乞銘其闕角硯
以此醕筆受而藏之並紀以詩

張君食硯如食餅虛虛不律雜笈簪三十不賣畫不整
蒼海變滅將爲田何勞精衛銜石填泥融五色堪摩研

蝦背鱣腹玫瑰紫丹砂綠豆乾荔子得一已足無企美
張君笑我北人粗餅傖噉麵次垂須持此去學乞米書
牘有奚家一餅墨終日飽腹藏複壁注孟老矣顛毛白
吳穀人贊善席上分題元人水邨圖

不識水邨趣今從圖裏看軒窗常半啓竹樹易生寒種
稻畦塍課編籬驚鴨闌何時結鄰住小艇一家寬

醉司命圖爲吳穀人題

吾聞竈上祭厥名何曰趣從走從畢聲義訓宜覈實歲
終百事了神亦職司畢送之上天去臘月廿三日行李
已戒途龜著並協吉何以答神庥酒糟甜如蜜神曰旣

醉矣出門走趨趨

六十生日書懷四首

冉冉成何事勞生六十年歡從貧後少志比壯時堅老
眼隨書錯寬腸付酒煎客中無籍在爭得友朋憐
老輩半零落撫琴還自傷難辭羸馬棧羞逐少年場虛
美輕時價餘生惜寶光下帷猶秉燭學殖或無荒
祝頌皆逾分壺觴亦怡神歸耕無半畝捧檄負雙親兒
女婚姻畢乾坤氣象新老爲牛馬走不敢避風塵
尚有先廬在昌平是故山闕壇仍給埽瀆井得餘閒釀
酒春開甕攤書晝掩關何時反初服笑看舞衣斑

醉後示船山

文字零星散兒孫一半癡誰憐雙鬢白老淚爲君垂

玉極庵訪朱谷飲酒

遂寧 張問陶

六十方爲政尋常肯負官早知經世苦不減著書難
老景氤氲鶴初心肯藉盤他時聽縣鼓莫厭腐儒餐
六十歲落一齒

浮生甲子歲初周齒落驚同一葉秋何必逢人爭長幼
應慙與舌較剛柔雌黃久息餘青眼飲食無功漸白頭
若過屠門還大嚼齟齬生他日勝封侯

將官滇南伊墨卿招同趙味辛魏春松張船山吳

穀人何視農蘭士兄弟雨中小飲分得賞字

長夏旱氣蒸畏熱避炎暄快雨連晨夜頓使心寬
廉伊子折簡招虛室得淨淡同志三五人入門牽書幌促坐
雲壓檐隔簾雨聲響有酒斟酌之氣高三千丈余應吏
部銓將爲蠻夷長計程萬里餘惜別空惘惘請假理客
裝投牒借官帑吾頭旣已禿吾項安能斲衝瘴牽扶留
陟廐騎大象狂插兩鬢花頽倚九節杖遇景誰爲歡發
言誰爲賞京華多故人秋風動遐想且開眼前尊莫採
夢中說天晴揮手去壯心慨以慷

荅同年陳蔭山舍人送別

歸田年是出山時萬里風煙去更遲憐我何如君意美
登場羞說宰官卑祇愁驛路拋書卷猶望邊民奉塾師
恨殺永昌無雁到裁箋難寄鳳凰池

從嫂石孺人年逾九十奉酒爲壽

操持家政輔吾宗家世原來舊業農蠶室夜燈春欲晚
蠟頭晨餉露猶濃眼前不覺兒孫大堂上頻看嫁娶重
小叔祇今頭已白一尊偃僂效華封

與船山說鬼

有聲有勢却無名此是人間老物精更有一般小兒鬼
偏多伎倆弄聰明

戲題船山畫蘭

蘭花誤認作山茶一葉驚看赴壑蛇若使畫眉調黛色
遠山醉倒玉勾斜

贈別船山

人逢暮齒倍傷離記取同車共巷時笑我猶爲百里宰
愛君何止數篇詩流連酒德狂堪恕消受才名福到遲
珍重故人頭已白蠻烟瘴雨過滇池

送桂未谷之任永平

張問陶

忘形爾汝亦前緣日日相尋問酒錢時望居然成老
輩交情何止爲同年科名偏向衰齡得心血終因小

學傳慷慨一官窮六詔白頭未擬賦歸田
儒官偶現宰官身已轉頭銜尚苦貧書擬八分專一
代酒飛三雅辟千人窮邊聽雨應懷舊委巷聞雞暫
結鄰莫道天南風土異隴言椎髻亦吾民
撲面炎風萬里餘國門驅馬意踟躕醉中分手原如
夢別後關心定有書絕域能遊誇矍鑠老年爲政肯
羸疎宦場時論輕儒素憑仗吾賢爲埽除
塵緣空後見天機悔不高名占少微入世幾人酬遠
志留心他日寄當歸奇山寨路蠻烟細怪鳥呼風瘴
雨飛回首潭西舊精舍可容閒煞釣魚磯

丙辰八月再過津門與小濂同寓

一窗燈火一簾秋
隔壁清吟夜未休
好似機雲同入洛
屋東頭與屋西頭

雨窗先生送昭慶寺僧輓

一量山僧履萬里
雲南路妙參鈍根
禪行脚是長住

大雨看辨園假山

米家潑墨果然顛
失却羣峯在眼前
忽掣電光飛石火
一尊古佛現諸天

登泰山求張巨和隱處

道壇竊室竟難尋
一片白雲衆壑深
東嶽道人西嶽死

天教了却住山心

旅飯

駐馬瓜棚下朝飢馬又嘶破筐添莖豆新黍熟饔飴并
遠偏輻輳蔬生尚帶泥數錢酬一飽日午叫鄰雞

荅顏九丈送別

游學歸來晚服官欲去遲家園尋舊迹世路謝新知文
字終身約曾屬志墓談諧萬里思綢繆意無限未別淚先垂

途中却寄從姪翔鶴

欲共阿咸語昏昏旅夢無白鬚應自號王彪之年二十
鬚鬢皓白時人

謂之王白鬚姪早白故云凝叔仗誰扶八口殘年累餘生遠宦孤吾

宗近衰薄用拙是良圖

歸里三載瓠落無成異我詞丈獨尋舊好今將遠

別情見乎辭

閒來相對說荒唐剪燭垂簾醉不妨羣季趨庭爭看客

樓頭聞喚取茶囊

王城東所厚惟楊大年至則取茶囊具茶他客莫與子弟但聞取茶囊卽

知大年
至矣

一病憐君歎索居坐穿木榻六年餘從今老眼橫秋水

且把神農夾注書

留贈水晶眼鏡

題陸璞堂先生適園灌畦圖

文定園林綠水濱百年猶見菜畦春昇輿自有門生在

且作忘機抱甕人

偶從野老說風流
七業俱從畫裏收
畦壟閒來窗下課
屋東頭與屋西頭

宋谷詩集卷第三

未谷詩集卷第四

南征草

富春歌

富春江清且曲兩岸山倒影綠七里灘釣不足胡爲萬里投蠻荒欲去不去心煩傷

丁巳元日泊舟滕王閣下夜雨獨酌

夜半孤舟雨中元日春雲南萬里路嘉慶二年人老爲微官累節當勝地新有誰同剪燭把酒更傷神

南陽

青山依舊水潌洄井邑蕭然竹樹摧高士今無劉子驥

桃源雖在有誰來

沅陵

一夜霏霰雨天明起櫂歌山爭隕岸聚船載曉雲多畫
本追難肖方言訊易謫癡奴遙指點潑眼翠如螺

舟行雲霧中

大好沅陵縣迷漫不可尋近山猶露足遠樹盡連林但
聽灘聲轉應知谷口深船頭小立軟翠濕衣襟

瀘溪

一縣高臨水羣山近作圍樓臺雲外出舟楫雨中歸簿
大容雙簷楚人謂簿上小簷曰簷崖懸避曲崎居人占岡阜邨落

望依稀

袁州道中

沅湘風物果然嘉正月先開菜子花
到得滇南三月半春衣脫去換輕紗

卽目

南來不覺水程賒一路青山送客槎
忽見雲開松樹杪懸崖斷處有人家

貴州山行

貴州行不易百丈倚天衢山作連環結
人堪職貢圖雲低春雨慣谷漏亂泉輸
最喜塘房近邨醪賤可酤

舊僕辭歸書以示之

汝年未二十從我客歷下朔風透骨寒單衣纔至跨汝
氣益盛張大步前我馬一身兼數役勤悴宵燭地意真
寧辭勞詞色無須假歲月曾幾何八年如是者我今宦
雲南相隨萬里征登山作導引宿舟夜支更四月到滇
池辛苦實所經忽然辭我去淚下復吞聲宛轉叩其故
知與同輩爭豈不念故主性剛未能平解我舊時衣覆
汝來時身舊衣雖云敝可以禦風塵慎毋負倔強小心
路旁人羨汝先歸客傷我羈旅神若逢舊游侶道我白
髮新

早發小雲南驛

驛程春柳曉風吹上得籃輿去又遲
滿路好花看不盡三塘已到打尖時

漾濞早行

早起陟崇岡回首眺崖谷不敢嘯長林
恐驚白雲宿

將至永平止宿寶峯寺

去城五里隔溪流先過招提拜壯侯

寺有關烈士功名壯繆像

真有命微官進退祇添愁水田插稻春
求雨野火燒山夜照樓禪榻安閒眠未
足寺鐘早打五更頭

永昌

曉巖萬仞走羊腸蜀道何曾似永昌
強鑿雲根盤作磴空懸鐵鎖便成梁
山花猶染逐臣血謂楊升庵野草不知寒
夜霜祇有檳榔堪作飯蠻童歌舞是歡場

縣齋桂花

庭前有老桂孤生此縣衙
葉落無人埽枝幹何天斜
旁有數叢菊相依似鄰家
我來懽懽之病困初見瘥
好待秋風生晚榮良可嘉
八月看丹桂九月采黃花
故園荒三徑遠望長咨嗟

永平

邊地山城小衙齋古寺荒
蒼苔緣榻上怪鳥向人狂
簪

谷夷獠雜陰晴氣候涼不知家萬里夜夢理歸裝

行縣罷獨坐口占

陋甚永平縣官閒且放歌城荒烟戶少泉近稻畦多
圉生榛莽衙齋引薜蘿無書慰岑寂歲月易蹉跎

來何爲

來何爲來何爲遠投萬里之邊垂丈夫意氣不得伸
開口便惹長官嗔無用惟有讀書人小民苦向縣官訴
縣官含笑不敢怒民兮民兮官將去

籌雞

密籌繭頭易胡爲入網羅飛鳴愁伴少毛羽累身多
斷

尾生難放充庖怒未和家雞安飲啄羨爾有棲窠

鐵連甲

亦作鐵連柳

小小鐵連甲乘風能逐鳥身輕追易到勢猛忿堪舒且

喜惡聲遠莫教高屋呼晨昏垂柳下憐爾好音孤

此鳥喜棲

柳樹味旦先衆
鳥鳴既棲猶鳴

題永昌府志

初關蠻疆徙萬丁千秋紀載首南征天威到處祠丞相
戰陣逢人說沐英元狩武功誇展土哀牢舊部盡投誠
祇今緬甸仍輸貢休息邊民不用兵

蘭滄江

蘭塢水綠絳烟浮春瘴發生秋未收鐵鎖懸梁誰敢渡
怕他兩岸草交頭瘴氣將發江面紅烟浮起秋冬之際
草相交結行旅皆絕揚升庵元謀行
云十月草交頭
元謀不可游

梅花堡題壁

萬木陰中流水遠三家邨外斷雲閒若使此身能自主
祇應解帶換青山

永定道中

十里不出谷荒村始一經耕山牛領直下墜馬蹄橫茶
竈留蠻井石龕畫孔明祇今官道隘何以列雄兵諸葛
南征
此經

荅友人索新詩

詩囊更比宦囊貧意興蕭然最厭新堪笑舊游不相識
猶呼俗吏作詩人

大理

點蒼洱海捍邊城蒙段銷除六詔平山作圍屏十九疊
水如初月二三生龍關地接蜻蛉近鴛浦雲連鐵柱橫
萬里提封無事日猶煩重鎮戍雄兵

登樓

百尺層樓上窮荒極目時山蒸宿瘴起海引渴虹垂壁
壘三軍戍關梁六詔遺憑闌意無限相顧有誰知

雨夜

高閣三更雨孤燈萬里心
情隨客夢短愁入宦途深
老驥甘殘餼驚鳥念舊林
去留難自主白髮莫相侵

月

一片故園月隨人萬里來
清暉應更苦雲路肯先回
傍枕還同夢登樓罷舉杯
宵中頻顧影懷抱幾時開

此心

此心終有主隻影竟何依
公事無甘苦高談悔是非
官卑身易退家遠路難歸
羨爾投林鳥日斜欵欵飛

點蒼山下觀稻

十九峯流十八溪插秧人護小平隄神前禱得連朝雨
布穀聲中綠已齊

題楊升庵像

像在太和縣感通寺寫韻樓

猶見東華痛哭時竟無萬里召還期逐臣祇合投荒死
大禮何曾有定辭

西羽曾爲結伴游班山蕭寺共聽秋誰通轉注搜奇字

箇箇來登寫韻樓

董難字西羽太和人同寓寺樓輯轉注古音因署寫韻樓先生嘗謂搜奇

字於董難是也

傷心形影寄邊垂間教鬢婆唱鼓詞我亦戴花騎象客

披圖相對淚如絲

余將赴永平羅兩峯爲作戴花騎象圖

游崇聖寺

到門千樹馬纓花風過能仁殿角斜
洱海倒銜三塔影
蒼山橫落半天霞□□□□□□□□□□
野僧相送還相約改日銷閒來吃茶

得家書

老妻病起兒孫好一紙書來字字金
但得平安傳萬里
客中艱苦也甘心

去大理

樸榆好風景而我猶未閒
朝辭雞足寺夜度龍首關
壺漿勞野饋斗酒駐童顏
又見槐花落前年出故山

萬人冢

南詔與李宓戰勝所築京觀

南詔諸王冢耕牛踏作田
哀邱攢朽骨荒壠歷千年
節度威名滅蠻荒殺氣纏
至今關下水日夜響潺湲

永定阻雨

陰雨留人却得閒
當門坐看雨中山
明朝又欲穿雲去
龍首關連龍尾關

鄧川

山城如畫小於丸
叢聚獯夷有土官
瀾沮沙流多圻岸
浪穹水下盡成湍
乳酥巧賣沽邨酒
膘穠生調壓市盤
攜客登樓衙散後
四圍蒼翠好同看

與寅五飲酒

夢中歸路竟難歸
怕見春花片片飛
最是酒醒人散後
身同斜月兩無依

寄家書

正是春三二月時
家園花放柳絲絲
笑他蘇武無聊賴
牽惹胡姬抱小兒

何以慰離居

何以慰離居
涓涓路旁水
送盡路旁人
水流終不已
何以慰離居
一量青絲履
隨人萬里來
初自里門起
何以慰離居
嶺頭日暮雲
今夜嶺上宿
明朝嶺外分

何以慰離居一點心頭血淚不及其紅湯不及其熱

端午病起

被疾原依水招魂却在山影同孤鶴瘦心與片雲閒倚

杖鳴禽變開尊令節還何須湯續命勿藥有歡顏

盧循遺劉

裕益智棕裕報以續命湯

馮淑妃

戊午太和作

莫怪君王愛小憐軍中粉鏡自翩翩平陽城陷千人事

猶恨裝來巧未全

梅花

太和作

十日尋花始見君家家桃李太紛紜可憐已到飄殘後

白髮宮人萼綠華

題畫

連朝風雨卧荒村
左手持螯右引尊
不典衣裳不賒米
催租吏到莫開門

黃小松見寄所刻漢碑雙鉤本

己未太和作

海內幾人通隸法
眼前萬里到書郵
且拋案牘三行判

靜對琳琅半日休
新像自難追舊本

小松搜得武梁祠畫像諸石較唐榻

多殘闕

原文回想玩雙鉤

范式魏元丕二碑余及

祇今影見之今又十數年矣

落蠻荒外猶荷蓬萊念昔游

小松有小蓬萊閣

畫竹

不似文同不類蘇一條寒玉月同孤他年步履還鄉去
萬里雲山仗爾扶

寄劉寄庵

故人別我去孤蓋日獨持惟有衆草木相伴終不移榮
枯時序改畦畹雨露滋春蘭抽短莖海棠垂弱絲杜鵑
五色爛梔子同心宜瓦盆老牡丹一花表艷姿百合倚
藥檻連畝千百枝石榴發午焰優曇似終葵百結丁香
扣兩秀爵麥歧更有山野卉何用知名爲草木雖云好
相對不相知安得素心人解我長相思

苦雀

豈不知君苦何勞強告人告人寧取信不信苦尤眞毛
羽憐孤影樊籠困此身深慙鸚鵡巧相望更相親

夢

昨夜還家夢臨明記不清如何錯行路先到柏人城

對酒示王刺史

對酒天涯白髮新誰憐俱是不如人點蒼山色還相向
早晚陰晴那得眞

自南寧返馬龍

兩月南寧一日閒歸來倚檻看青山那知春老無尋處
猶在清陰細草間

畫馬

曾出天閑保健兒夕陽衰草向風嘶老來卸却鹽車駕
瘦骨棱棱一顧時

偶成

世閒好事本難求老境無多妄念休寫罷舊文都送寺
吟成新句一登樓壺觴自設先生供裙屐聊同後輩游
家遠欲歸歸不得空勞書札報松楸

將回永平上書制軍

麟八首

世系絲綸掌邊垂檠戟分百蠻今向化三藏盡同文庾
亮樓中月南陽徼外軍遐方仰節度草木盡氤氲

家聲八旗重心事 九重知到處皆留蹟 兩朝有賜
詩樓船連海泛邊馬向風嘶南北推經畧虛心益自持
隨班趨上謁真得見荊州分位雲泥隔顏詞接待周衙
官慙屈宋賦手謝應劉阪下轅駒老聲從一顧收

衰顏顛頽甚一見卽垂憐藥餌煩親授醫方賴口傳維
摩原善病桂父却延年水土蠻鄉異逢人問毒泉

問訊同游子風前意念眞知名天下士屈指眼前人刺
滅懷中字襟題漢上春嚴公鎮巴蜀詞客仗精神

不見光和石曾摹五鳳輒半殘惜酸棗後出得曹全傳
山鄭篋難齊駕翁力綱黃易許比肩自從經品目一字

直千錢

長物搜行篋名箋得庫宣刻溪藤並美高麗紙交妍獻
璞含新淚知音賞舊弦人倫同鑒別心口動諸賢

州郡勞人職況逢齒暮時官卑名易減家遠夢猶馳三

飲博南水重看大理碑

南詔碑在大理

督郵何待見始悔賦歸

遲

却寄張刺史

南北追隨久原從世外看爨桐因尾重轅馬仗人難共
笑嵇康嬾獨憐范叔寒幾番眞涕淚別後未能乾

順寧

縣是濮蠻地春開絕艷花連山惟鳥道負郭少人家
星野兼參觜夷風問猛麻蘭滄江水黑赴海屈如巴

驚粟

去疢堪入裹端午使小兒服之除百病似粟亦充囊一名米囊花比虞姬
艷與虞美人草相似實同燕麥良含苞勾衛足放蕊正朝陽種
是迎霜下熟當梅子黃

雨宿田家

三家村外雨絲絲板屋鏗昏夜半時賴有一尊堪藉在
侍兒低唱舊年詩

雨夜枕上作

簷前疎雨到三更半啟簾帷燭不明正是酒醒人去後
芭蕉葉上一聲聲

正月

順寧春最早正月已更衣雨過椿芽透簾開燕子歸衆
山浮暖翠小閣卷疎帷陌上風來好殘紅傍馬飛

順寧行春

二月郊原外和風柳下寬天清片雲盡山遠一雕盤農
唱隔溪起村帘駐馬看行春試春服邊徼不知寒

順寧早春行樂詞

蹋燈才過杏花開便有雙飛蛺蝶來分付行厨邀酒伴

明朝花下早安排

香椿苦蕒早登盤
蔬菜鮮苗入食單
更有葛根初上市
酒酣最喜溜牙寒

輕裘初卸曉風溫
不待招邀便出門
偶過教場看試馬
草痕綠到遠山根

春光先到順寧城
引得兒童樂事生
薄底鞦兒鬚子帽
夕陽影裏放風箏

昨夜聽歌酒未醒
開簾放燕敞圍屏
曉風吹面凭闌坐
世外看人柳眼青

題小陂陀壁

二月先聽布穀鳴
人人盡道好收成
宰官無事尊常滿
衙散憑闌看耦耕

滇人言布穀先鳴則豐稔苦雀先鳴則歉薄

黑頭公

雲南鳥名

嘉名最羨黑頭公
慣飽櫻桃不待紅
寄語東吳張子布
可知原有白頭翁

雲南有櫻桃冬日開花其實不中噉惟供此鳥食耳

柯枯里

毒熱柯枯里
諸蠻舊託栖
大河流
水腐曠野怪蟲啼
夏葉先霜染
晴山帶瘴低
欲尋投宿處
祇有一招提

春游村落閒

白沙沽酒路紅杏
賣餚簫回憶秦淮曲
榜人隔岸招

題畫

秋原曳杖歸泉聲喚人住暮氣欲沈山柴門幾里路

幼梧亭口占

柳陰轉處好銜杯亭外閒花任意開送客屐聲過橋去
就人山翠隔城來

順寧縣齋

山城公事少終日坐前楹細數新生竹重扶早結橙驕
狸據客位馴鴿上棋枰獨把一尊酒小亭今落成

題莫斫銅雀研圖

圖爲沈石田作一人欲持劍碎研石田勸止

勸君莫斫銅雀研留在人間一二片老瞞之惡不勝書
卽摩此研作其傳美人畫眉猶未了曹丕已受漢家禪
西陵松柏鬱鬱青新主臺上日開宴銅雀一朝飛去當
塗高千秋破瓦美人面

悶

北海思歸客愁看水向南

順寧水入南海

年衰驚物候世幻入

瞿曇案牘銷餘日壺觴作老痰悶來仍獨坐新結小茅
庵

荅人問起居

官廚蔬笋類僧餐肺病因循止飲難獨倚茅亭衙散後

醉來倒著野人冠

題畫

烏號黑頭公紅豆相思子老我白髮新美人隔秋水

題畫

紅杏初開帶露稀斜風剪剪見烏衣莫教鎖向雕梁裏
話盡春愁沒處飛

順寧感懷

柳於陌路垂青眼梅到春風已白頭最是無情江水急
江關滄背人日夜向南流

蹋歌行

猓猓夷歌作夷舞暮春三月祠猛府猛府本是土司官
歿後神爲衆夷主只將歌舞答神庥不奠酒漿不設俎
一人橫笛居中吹和以蘆笙聲縷縷四周旋繞數十人
頓足蹋地如擊鼓男子赤脚皮襖襠女挂耳環一尺五
男歌女和餘音長垂手轉肩身偃僂笙笛律呂兩腳諧
歌詞不解何言語吾昔貪歡少年場愛聽吳娃歌白紵
可憐老作萬里人日共蠻獠爲伴侶眼前歌舞轉添愁
莫問此身此何許

古意

羽檄有郎名那敢留郎住莫信鷓鴣啼哥哥行得去

黃昏

又是黃昏獨坐時
引杯欲醉醉偏遲
不知今夜還家夢
可到梅花洗硯池

聞蟬

四月新蟬樹上鳴
初聞祇當耳中聲

余兩耳作蟬鳴

莫愁小旱

田無水地氣通和百物生

北方地氣不通則蟬不生

三至永平

荒城舊徑半蒿萊
爲政風流安在哉
往事有緣難再得
此身已老又重來
人推人挽原無定
狐搨狐埋焉用猜
且喜臘殘新歲改
屠蘇酒滿紫霞杯

卷四
衙齋日課圖

州郡勞人強自排
簿書終日案成堆
吏人衙散花陰轉
解帶抽身作秀才

寄家園親舊

苦憶家園樂應慙
印綬虛白頭歡未
盡荒徼悶難除
病閒仍思酒燈昏不
廢書故人憐我在何
以慰離居

禱雨

縣官日日卜甘雨
但聽晚來擊堂鼓
鼓聲沉沉濕不揚
明朝雨大齊栽秧
時乖事變或不利
我將遷怒鞭鼓吏

枕上口占

竹影橫窗月正圓
羅帷半啟散鑪烟
梧桐樹上孤栖鶴
冷露無聲也不眠

飲酒

酒客多品目清濁分聖賢
我亦善比類比之直如弦
請看醉鄉人百折終少偏
疎畧當萬變輕脫破獨堅
弓弱繁未正弦戾矢不穿
苦被醒者笑但聞軟於綿

酬李毅堂

高密人

漢代傳經有鄭鄉
此生自斷落窮荒
老爲徼外蠻夷長
親見南人戰鬥場
一任滇池出龍馬
好還魯國訪靈光
尊前坐對誰年少
學劍學書再審量

餓熊歎并引

保寧令盧岫蓄一熊有年矣既去官以遺新令
李治重李轉送土司廟不食死

盧令得熊馴如羊朽索維繫於卧牀夜不閉戶敞兩廂
穿窬有警熊獨當力能折柱慙暴強主翁一喝輒斂藏
隨身四年閱星霜熊不在側不舉觴官庖有肉熊先嘗
一朝去官熊缺糧李令心許捐橐囊日親飲之無相忘
小兒女輩擾其旁深慮野性終不良送交土司白馬王
廟土司熊不能言心暗傷不受土司勺飯漿兩日絕口腹
空張李聞此事來探詳羊膷牛肺攜滿筐熊見李至神

飛揚食李之食充飢腸李以官事稽他方能乃不食九
日亡作書報盧空悒快餓骨不得薤首陽

贈查三

查三短而肥腰腹大十圍走患禪帶脫兩肱相夾持上
階如登山下磴馬攢蹄對客荅再拜氣喘猶移時廐中
多良馬玉勒黃金羈牽來長八尺瞪目不敢騎有時升
高畫素壁聳身直上青雲梯攀援更比猿猴捷旁人笑
指虎頭癡壯哉枯木竹石圖筆不能到神先馳君家寄
居燕市側招手三五屠沽兒活割鹿尾帶鮮血斃肩生
熟無不宜據案大嚼目無人歌童疊勸雙雙危舟車所

到半天下南北鄉味能兼之海螯江柱不絕口魚鱉膾
鯉滑莼絲蕒蒿滿地河豚上廿四橋頭短簿祠卸帆津
門衛河岸大蟹上市誇團臍真定御梨寒溜齒肅寧桃
子甜如飴安肅白菜一鈞重生剝嫩心凍手披裼來滇
南減口腹餌塊粑粑難充飢朝爨無煙卧不起我登其
牀索其帷呼庖破寒作湯餅胡椒辛辣酸鹽齏煨芋悶
芥鬱韭菁薄切蘆菹屑蘊葵家常惟有儻粥好我不肉
食君所知聞我此言忽大啖量兼座客還歡醺捧腹大
笑我去矣口不道謝手一揮

題畫二首

山村樹槎枒水村雪明滅日暮負樵歸空谷聞竹折
昨日探禹穴懷得一版書時就樹根讀文古義有餘書
聲出林表山靜似太初明朝抱琴來枯桐將啓予

白龍潭

林木蕭寺晚石壁寒潭清坐久淡忘歸山空新月生

逢錢七

杜

萬里逢錢七支離散淡人惟餘一枝筆醉點楚山春客
裏黃金盡尊前白髮新何當開老眼看爾出風塵

天燈

有引

甲子秋冬之際昆明疫氣大作死者無數鼠先

人死病人皮膚中生羊毛蔬果亦生之俗名羊
子卽吳梅村綬冠紀畧所謂羊毛瘟也相傳天
燈可以祈禳一時風靡各家門首樹竿懸燈火
光燭天限滿一百八日始罷計清油之費萬金
不敷亦異事也

高竿燈火對門懸照地無功且照天城市飛來燐十萬
邱墳薶去骨八千羊毛著物能生死鼠鬼隨人有後先
如果神明饒性命不辭賣犢買油煎

縣齋

起似春蠶卧似琴涉旬逾月倦登臨午鳩啼罷荒衙寂

漫轉階前一樹陰

閒愁

羞看隨身舊敝袍
帽斜髮短不禁搔
閒愁多少難收拾
欲付并州快剪刀

清狂

賸有清狂在休嗟
歲月更看山輕列
郡握管勝將兵勸
客松毛酒充庖石髮
鬢故人勞問訊萬里
曾諸生

春游

落花瘦盡詩人老
飛絮狂多酒擔輕
欲過短橋尋野寺
隔溪一犬早來迎

滇南

柳暖無煩絮松聾不聽濤背閒憑項負首下見尻高人

命輕於草銅錢利似刀蠻夷漸騷動切莫仗酋豪

滇南柳無

縣松無聲

鏡

一片青銅鏡照人瘦且奇誤被偷我貌却逢舊相知

生怕

鄉夢連宵真箇莽詩題半日費躊躇頗哀老子遨遊慣

生怕排衙唱吏胥

只餘

只餘一管丹黃筆那有三州唱和詩縷縷蘆笙煙雨外

蹋歌隊裏聽蠻詞

元白崔有三州唱和集

白傳有謝裴常侍以優禮見待詩感而有作

常侍溫顏別眼看江州司馬折腰寬可憐府帥陳希亮

漫把髯蘇當判官

蘇子瞻爲鳳翔判官陳希亮爲府帥以屬禮待之或入謁不得見

每到

每到黃昏坐三更燭盡時侍兒唄洗硯門子怕題詩豈
不懷高枕還須醉滿卮老來情味惡早晚有誰知

三月二十九日作

且拚今日醉如泥明日春歸夢又迷回首踏青隄畔路

兔葵燕麥雨淒淒

憶順寧小築

順寧新築小陂陀紫蓼黃葵手種多
秋雨秋風人散盡閒花野草奈愁何

有勸余納姬者口占荅之

傾囊祇買甕頭春薄宦天涯賸此身
樊素朝雲無限好越教愁殺白頭人

寄白梅溪

問訊樓桑下茅亭幾尺高

余勸築亭桑下

眼前新畫本剏上好

兒曹

白善畫有孫甚佳

徑想蒼苔滑畦應苦菜挑一尊還待我

家釀熟葡萄

錯認

錯認堅冰是水晶
蕤蕤蠅擾似雷鳴
屈原何苦作天問
惱亂天公對不成

賦得瓜田

一畝青門外
臨流灌桔槔
故侯應更老
楚客莫頻搔
嫌遠還疑履
分平不在刀
黃臺三摘後
期代可能操

楚人夜搔

吳人瓜事見說苑

賦得菁蘼

晚韭花初采
連莖擣作蘼
配鹽幽類豉
和酢釀同醅
凍

借根春麥香分露滿畦冬藏有兼味最好佐寒雞

書懷

每到愁來強自寬風塵那敢怨凋殘勞人職事州如斗
種秫官田縣是丸七椀嘗新煎碧乳八分改舊界朱闌
故人書札煩相問上水船同老境看

犬

夜宿投空房檐虛少窗牖四顧寂無人燈暗獨坐久童
僕鼾如雷一犬卧門首未受豢養恩何故爲我守筭簠
有餘飯胡不飽犬口犬食餘飯盡飯盡犬亦走

從人乞酒

六十年來舊酒徒推排世上一身孤借兵幸有劉元德
攻破愁城仗兩壺

荅蔡松若明府見贈

濟南游迹少人傳拋却湖山二十年萬里逢君談舊事
鵲華秋色落尊前

君家儒雅號三明日飯一升吏更清不似狂奴無檢束

官田種秫學長生

王隱晉書蔡謨荀闕諸葛恢並字道明時人歌之曰京師三

氏儒雅荀葛清

南齊書劉元明令山陰有名語人曰作縣惟日食一升飯而莫飲酒

一枝沉醉羊毫筆寫遍人間兩漢碑不遇中郎識焦尾

白頭心力有誰知

君爲拙書賦長歌

許氏偏旁六代荒眼昏猶作校書郎憑誰寫定歸東觀

重付揚雲細審量

余校說文數十年未敢自信來詩見推故云

同作蠻荒汗漫游眼前奇事費推求
坤維震後生羊子鬼錄新編十萬囚
北年地震疫氣流行民病羊子死者十萬餘矣君留心滇事應入載記
江總還家尙黑頭人生七十又何求
可憐不放歸猿檻啼殺哀牢徼外秋

贈胡晴帆別駕

有引

小史阿定喜藏余醉後書一旦死於疫晴帆聞
而惜之解金恤其身後取拙書三紙去

多情別駕感荒邱爲我心酸淚欲流
不惜黃金求馬骨

定兒泉路也回頭

近華浦秋泛歌呈同遊諸子

尖頭艇子櫓毛蓬窗開四面迎水風浦光一碧秋空蒙
櫓聲啞啞搖其中羣山倒影千百峯堤柳幾樹垂腰慵
遠帆後有漁舟從越吟吳歌狎蠻童拉雜弦索別調工
斜風吹來雨濛濛敝袍那許新寒攻急呼煖酒滿大鍾
天然圖畫開心胸近華古寺霜葉紅樹杪臺閣高低重
橫界一道白雲封老怕登樓不支筇餘興還賴杯酒醺
莫笑白頭老冬烘尊前起舞舞俠氣充要挾諸君乘風破
浪稱豪雄

和作

密縣李元漚

此身不繫如孤蓬浩浩萬里隨長風西南奧區通唐
蒙山川清絕疑剡中太華秋碧鑱千峯跛牂欲上愁
孱懦近華命舟欣相從茲游已再譚溪童天工點綴
圖難工水氣交互雲濛濛酒陣欲遣偏師攻鱗鱗波
動留犁鍾倒卷鯨海澆頑胸晚稻熟黃蓼花紅葭蒼
楓紫霜葉重浦寺徑幽苔蘚封岸風吹帽歌吟筇老
涖貪飲顏先醺爛漫不減朱霞烘身老筆健神能充
爭問奇字追揚雄

未谷詩集卷第四

曲阜劉文炳刻字